



МОНГОЛ УЛСЫН  
БАЙГАЛЬ ОРЧИН, АЯЛАЛ ЖУУЛЧЛАЛЫН  
САЙДЫН ТУШААЛ

2022 оны 02 сарын 28 өдөр

Дугаар А/49

Улаанбаатар хот

Ой, хээрийн түймрээс урьдчилан  
сэргийлэх арга хэмжээний тухай

Монгол Улсын Засгийн газрын тухай хуулийн 24 дүгээр зүйлийн 2 дахь хэсэг, Байгаль орчныг хамгаалах тухай хуулийн 15 дугаар зүйлийн 1 дэх хэсгийн 1 дэх заалт, Ойн тухай хуулийн 13 дугаар зүйлийн 13.1.16, 13.1.17 дахь заалт, Улсын онцгой комиссын “Ой, хээрийн гал, түймрээс урьдчилан сэргийлэх, тэмцэх зарим арга хэмжээний тухай” 2022 оны №01 албан даалгаврыг тус тус үндэслэн ТУШААХ НЬ:

1.Тухайн аймаг, орон нутгийн цаг уурын нөхцөлөөр тогтоосон түймрийн аюулын зэрэглэлд үндэслэн ой, хээрийн түймрийн аюулаас урьдчилан сэргийлэх, хамгаалах эргүүл шалгалтыг эрчимжүүлэх, сургалт сурталчилгаа явуулах, ойд зорчих иргэн, байгаль хамгааллын сайн дурын нөхөрлөл, аж ахуйн нэгж, ойн мэргэжлийн байгууллагатай хариуцлагын гэрээ байгуулж баталгаа гаргуулан хяналт тавьж ажиллах, түймрийн аюулын үнэлгээ гурав түүнээс дээш зэрэглэлд хүрсэн тохиолдолд тухайн аймаг, сумын нутаг, дэвсгэрийн хэмжээнд явуулж буй ой аж ахуйн арга хэмжээ, иргэдийн аялал зугаалга, амралт, сувиллын зорилгоор ойд зорчих үйл ажиллагааг хориглохыг бүх шатны Засаг дарга, аймаг, нийслэлийн Байгаль орчин, аялал жуулчлалын газрын дарга нарт тус тус үүрэг болгосугай.

2.Ой, хээрийн түймрээс урьдчилан сэргийлэх, хамгаалах ажлын төлөвлөгөөг хавсралтаар баталсугай.

3.Ой, хээрийн түймрийн цагийн байдлын тухай мэдээлэл авах, түймрээс урьдчилан сэргийлэх, хамгаалах ажлыг шуурхай удирдлагаар хангах үүрэг бүхий жижүүрийг 2022 оны 03 дугаар сарын 20-ны өдрөөс 06 дугаар сарын 10-ны өдөр, 09 дүгээр сарын 20-ны өдрөөс 11 дүгээр сарын 10-ны өдрийг хүртэлх хугацаанд ажиллуулах, түймрээс урьдчилан сэргийлэх, хамгаалах ажлын төлөвлөгөөнд тусгагдсан арга хэмжээг хэрэгжүүлэхэд шаардагдах төсвийг ойжуулалтын хөтөлбөрийн зардлаас санхүүжүүлж, зарцуулалтад хяналт тавьж ажиллахыг Төрийн нарийн бичгийн дарга (Э.Баттулга)-д тус тус зөвшөөрсүгэй.

4.Түймрийн жижүүрийг ой, хээрийн түймрийн голомт, тархалтын зураг бусад шуурхай мэдээллээр хангах, шаардлагатай тохиолдолд ажлын бус цаг, амралтын өдрүүдэд сансрын хиймэл дагуулын түймрийн тархалтын зургийг шуурхай боловсруулж, Ус, цаг уур, орчны судалгаа, мэдээллийн хүрээлэнгийн сайт


(www.icss.mn)-д байрлуулан, мэдээллээр хангаж ажиллахыг Ус, цаг уур, орчны судалгаа, мэдээллийн хүрээлэн (Г.Сарантуяа)-д үүрэг болгосугай.

5.Хавар, намрын хуурайшлын зэргийг долоо хоног бүрээр тодорхойлж, олон нийтийн телевиз, радио, мэдээллийн хэрэгслээр гал, түймрийн эрсдэл өндөртэй аймаг, сумдыг тогтмол мэдээлж, мэдээлэл солилцох холбооны хэрэгслээр хангаж ажиллахыг Цаг уур, орчны шинжилгээний газар (С.Энхтүвшин)-т үүрэг болгосугай.

6.Ой, хээрийн түймрийн аюулаас урьдчилан сэргийлэх, эргүүл шалгалтыг эрчимжүүлэх, түймэр унтраах ажлыг холбогдох байгууллагуудтай хамтран зохион байгуулж, зардлыг шийдвэрлэж ажиллах талаар Улсын тусгай хамгаалалттай газрын хамгаалалтын захиргаадаад тодорхой үүрэг, даалгавар өгч, хяналт тавьж ажиллахыг Тусгай хамгаалалттай бүс нутгийн удирдлагын газар (Д.Батмөнх)-т үүрэг болгосугай.

7.Ой, хээрийн түймрээс урьдчилан сэргийлэх, сэрэмжлүүлгийг хэвлэл, мэдээллийн хэрэгслээр сурталчлах, гарсан түймрийг шуурхай илрүүлэх, иргэдийн амь нас, эд хөрөнгө, байгалийн нөөц баялгийг түймрээс хамгаалах ажлыг оновчтой зохион байгуулж, мэргэжил, арга зүйн зөвлөгөө өгөх ажлыг эрчимжүүлэхийг Ойн бодлого, зохицуулалтын газар (Б.Оюунсанаа), Хүрээлэн буй орчин, байгалийн нөөцийн удирдлагын газар (А.Энхбат), Хэвлэл мэдээлэл олон нийттэй харилцах алба (Ц.Үүрцайх)-д тус тус үүрэг болгосугай.

8.Түймрээс хамгаалах үйл ажиллагааг зохицуулах үндэсний болон орон нутгийн зөвлөлийн үйл ажиллагааг эрчимжүүлэх, орон нутагт түймрээс урьдчилан сэргийлэх, хамгаалах ажлын техникийн, мэргэжлийн бэлэн байдлыг хангуулах ажлуудыг эрх бүхий байгууллагуудтай хамтран зохион байгуулж, тушаалын хэрэгжилтэд хяналт тавьж ажиллахыг Байгаль орчин, аялал жуулчлалын дэд сайд (Г.Түвдэндорж), Ойн бодлого, зохицуулалтын газар (Б.Оюунсанаа)-т тус тус даалгасугай.



Байгаль орчин, аялал жуулчлалы сайдын  
 2022 оны 02 дугаар сарын 28 ны өдрийн  
 А-49 дугаар тушаалын хавсралт

Улсын онцгой комиссын албан даалгаврын дагуу ой, хээрийн түймрээс урьдчилан сэргийлэх,  
 хамгаалах талаар 2022 онд хэрэгжүүлэх ажлын төлөвлөгөө

№ оны 01 дугаар албан даалгаврын заалт	Авах арга хэмжээ	хугацаа	Хэрэгжүүлэх газар, нэгж	Биелэлт
3.1.Ой, хээрийн гал түймэр гарах эрсдэл өндөртэй аймаг, нийслэл, сум, дүүрэг, баг, хороодод Гамшгаас хамгаалах тухай, Галын аюулгүй байдлын тухай, Ойн тухай, Байгаль орчныг хамгаалах тухай хуулиуд, Засгийн газрын 2013 оны 03 дугаар сарын 22-ны өдрийн 106 дугаар тогтоолын хэрэгжилтийг хангуулан техник багаж хэрэгслийн нөөцийг бүрдүүлж, бэлтгэл, бэлэн байдлыг дээшлүүлэн ажиглахыг,	1.ОХУ, БНХАУ-тай хиллэх улсын хилийн бүсэд хил дамнан гарах ой, хээрийн түймрийн мэдээллийг хөрш орнуудтай солилцох, зурган болон бусад мэдээг боловсруулж холбогдох байгууллагуудад шуурхай хүргэж ажиллах 2.Түймрийн эрсдэлийн бүсэд байрлах Улсын тусгай хамгаалалттай газруудын хамгаалалтын захиргаа, Сум дундын ойн ангиудыг түймрээс урьдчилан сэргийлэх, хамгаалах зориулалтын зарим багаж, хэрэгслээр хангах ажлыг зохион байгуулах 3.Ойн нөөц, баялагт учруулсан түймрийн хохирлыг тогтоох, тооцоход мэргэжил-аргазүйн удирдлагаар хангаж ажиллах.	2,3,4-р улирал	-Байгаль орчин, аялал жуулчлалын яам, -Аймаг, нийслэлийн Засаг даргын Тамгын газар -Онцгой байдлын ерөнхий газар -Хил хамгаалах ерөнхий газар	

<p>2.</p> <p>3.2. Ойн тухай хуулийн гуравдугаар бүлгийн 13 дугаар зүйлийн 13.1.16-д заасны дагуу Цаг уур, орчны судалгаа, Мэдээллийн хүрээлэнгийн сансрын хиймэл дагуулын мэдээллээр авсан цаг агаарын болон ой, хээрийн гал түймрийн голомт, тархалтын зураг, хуурайшилтын мэдээг тухай бүрд (баяр, амралтын өдрүүдэд) шуурхай боловсруулж, Онцгой байдлын байгууллагад хүргүүлэхийг,</p>	<p>1.Түймрийн эрсдэлтэй бүс, нутгуудын хавар, намрын цаг уурын нөхцөлөөр тодорхойлсон хуурайшлын зэргийг долоо хоног бүрээр гаргаж, холбогдох байгууллагуудад хүргүүлэх</p> <p>2.Түймрийн аюулын зэрэг болон эрсдэл өндөртэй аймаг, сумдыг олон нийтийн телевиз, радио, мэдээллийн хэрэгслээр мэдээлэх</p> <p>3.Сансрын хиймэл дагуулын мэдээг ашиглан ой, хээрийн түймрийн тархалт, голомтыг тухай бүр тодорхойлж, түймрийн цагийн байдлын тухай мэдээллийг Онцгой байдлын болон холбогдох байгууллагуудад хүргүүлэх</p>	<p>2,3,4-р улирал</p>	<p>-Байгаль орчин, аялал жуулчлалын яам, -Цаг уур, орчны шинжилгээний газар -Ус, цаг уур, орчны судалгаа, мэдээллийн хүрээлэн -Онцгой байдлын ерөнхий газар</p>	
<p>3.</p> <p>3.3.Ойн тухай хуулийн 13 дугаар зүйлийн 13.1.30-д заасныг хэрэгжүүлэн ой, хээрийн гал түймрийн аюултай үед ой, хээрийн гал түймрээс сэргэмжлүүлэх, орон нутагт эрлүүл, харуул ажиллуулах болон энэ ажилд бүх нийтийг татан оролцуулах талаар нутгийн захиргааны байгууллагатай хамтран ажиллахыг,</p>	<p>1.Ой, хээрийн түймрийн эрсдэл бүхий аймаг, сумдад түймрийн аюултай улирлын туршид эрлүүл, харуул гаргах ажлыг улсын хэмжээнд зохион байгуулах</p> <p>2.Улсын тусгай хамгаалалттай газруудын ойг түймрээс хамгаалах сургалт, сурталчилгаа явуулах, түймрийн эрсдэлийн бүсэд иргэдийн зорчих хөдөлгөөнийг бүртгэх, хяналтын хуудас бэлтгэж, ашиглах, зарим бүс нутгийг тэмдэгжүүлэх, самбар байрлуулах ажлыг зохион байгуулах</p> <p>3.Түймрийн цагийн байдлын тухай мэдээллийг холбогдох байгууллага, иргэдэд мэдээлэх шуурхай зохицуулах жижүүрийг 2021 оны 03 дугаар сарын 20-оос 6 дугаар сарын 10, 09</p>	<p>Жилийн турш</p>	<p>-Байгаль орчин, аялал жуулчлалын яам, -Аймаг, нийслэлийн Засаг даргын Тамгын газар -Аймаг, нийслэлийн Байгаль орчин, аялал жуулчлалын газар, ойн анги</p>	

		дүгээр сарын 20-оос 11 дүгээр сарын 10-ны хооронд яамны дэргэд ажиллуулах.		-Цагдаагийн байгууллага -Мэргэжлийн хяналтын байгууллага	
4.	3.4.Монгол Улсын Ерөнхийлөгчийн 2019 оны 153 дугаар зарлигийг хэрэгжүүлэх төлөвлөгөөний 1.4-т заасныг хэрэгжүүлэн ой, хээрийн гал түймрийн эрсдэл өндөртэй бүс нутагт гал түймрээс урьдчилан сэргийлэх хяналтын нислэг үйлдэх зардлыг төсөвт тусгаж, Зэвсэгт хүчний байгууллагатай хамтран нислэг үйлдэхийг,	1.Хяналтын нислэгийг нэг удаа үйлдэх зардлыг Ойжуулалт хөтөлбөрт тусгаж, тухайн түймрийн голомт, тархалтын зургийг тухайн үеийн цагийн байдалтай уялдуулан боловсруулж нислэгийн багт хургуулах 2.Ойг түймрээс хамгаалах, урьдчилан сэргийлэх арга хэмжээнд шаардагдах зардлын төсвийг төлөвлөж, батлуулах.	Түймрийн аюултай улирлын туршид	-Байгаль орчин, аялал жуулчлалын яам, -Цаг уур, орчны шинжилгээний газар -Ус, цаг уур, орчны судалгаа, мэдээллийн хүрээлэн	
5.	3.5.Монгол Улсын Ерөнхийлөгчийн 2019 оны 153 дугаар зарлигийг хэрэгжүүлэх төлөвлөгөөний 2.15-д заасныг хэрэгжүүлэн ой, хээрийн гал түймрээс урьдчилан сэргийлэх, аюул тулгарсан тохиолдолд авч хэрэгжүүлэх арга хэмжээ, зохион байгуулалтын талаар олон нийтийг мэдээлэл, заавар, зөвлөмжөөр хангах, нэвтрүүлэг бэлтгэх, сургалт сурталчилгаа зохион байгуулах,	1.Ой, хээрийн түймрийг илрүүлэх, түймэр гарсан тохиолдолд иргэдийн амь нас, байгалийн нөөц, баялгийг хамгаалах талаар мэдээлэл-сурталчилгаа бэлтгэх, мэргэжлийн байгууллагуудтай хамтран ажиллах 2.Түймрийн эрсдэлийн бүсэд байрлах аймгуудын Засаг даргын дэргэдэх түймрээс хамгаалах зөвлөлийн үйл ажиллагааг идэвхжүүлж, мэргэжил, аргазүйн удирдлагаар хангаж ажиллах. 3.Олон улсын байгууллагуудтай хамтран ажиллах	Жилийн турш	-Аймаг, нийслэлийн Засаг даргын тамгын газар -Онцгой байдлын байгууллага -Цагдаагийн байгууллага -Мэргэжлийн хяналтын байгууллага	

<p>3.6.Цаг агаарт зориудаар нөлөөлөх үйл ажиллагаанд шаардагдах төсөв, шаардлагатай техник, тоног төхөөрөмж, сумны нөөцийг бүрдүүлэх, тэдгээрийн аюулгүй ажиллагаа, хадгалалт, хамгаалалтад хяналт тавих, шаардлагатай үед ашиглахыг,</p>	<p>1.“MODIS” хиймэл дагуулын мэдээ, зургийг шуурхай гаргаж холбогдох байгууллагуудад хүргэж үйлчлэх, шаардлагатай тохиолдолд үүлэнд зориудаар нөлөөлөх ажлыг зохион байгуулах 2.Сансрын хиймэл дагуулын түймрийн тархалтын зургийг шуурхай боловсруулж, Ус, цаг уур, орчны судалгаа, мэдээллийн хүрээлэнгийн сайт (<a href="http://www.ics.mn">www.ics.mn</a>)-д байрлуулан, мэдээллээр хангаж ажиллах</p>	<p>2, 3-р улирал</p>	<p>Байгаль орчин, аялал жуулчлалын яам, -Цаг уур, орчны шинжилгээний газар -Ус, цаг уур, орчны судалгаа, мэдээллийн хүрээлэн</p>	
<p>3.7.Ойн тухай хуулийн дагуу хавар, намрын хуурайшилтын улиралд ойн сангаас мод бэлтгэх, ойн дагалт баялгийг ашиглах, аялал зугаалгаар явах үйл ажиллагааг тодорхой хугацаагаар хязгаарлах, холбогдох хууль хяналтын байгууллагуудтай хамтран хэрэгжилтэд хяналт тавьж ажиллах, хууль, дүрэм, журмыг зөрчсөн иргэн, хуулийн этгээдэд авсан арга хэмжээний талаар олон нийтэд мэдээлэхийг,</p>	<p>1.Ой, хээрийн түймрээс урьдчилан сэргийлэх, хамгаалах ажлыг эрчимжүүлэх тухай тушаал, төлөвлөгөө боловсруулж, улсын хэмжээнд хэрэгжилтийг хангуулан ажиллах 2.Ойн тухай хууль, тогтоомж болон Засгийн газрын 106-р тогтоолыг сурталчлах ажлыг орон нутагт зохион байгуулах</p>	<p>Жилийн турш</p>	<p>-Байгаль орчин, аялал жуулчлалын яам, -Аймаг, нийслэлийн Засаг даргын Тамгын газар -Цагдаагийн ерөнхий газар</p>	
<p>3.8.Ой, хээрийн гал түймрээс урьдчилан сэргийлэх зорилгоор ойн арчилгаа, цэвэрлэгээ, нөхөн сэргээлт хийх, хамгаалалтын шороон болон ойн зурвасыг</p>	<p>1.2022 онд 32,0 мянган га ойн талбайд арчилгаа, цэвэрлэгээ хийх 2.Ойн нөхөн сэргээлтийг 6,0 мянган га талбайд хийх</p>	<p>Жилийн турш</p>	<p>-Байгаль орчин, аялал жуулчлалын яам,</p>	

<p>сэргээх, шинээр нэмж хийх, усан сан, цөөрөм байгуулах ажлыг зохион байгуулахыг,</p>	<p>3.Хил дамнасан түймрээс урьдчилан сэргийлэх, хамгаалах зорилгоор 10-20 м өргөн, 187,6 км урт зурвас шинээр, 782.2 км урт зурвасыг сэргээх ажлыг Улсын хилгийн дагуу Хил хамгаалах ерөнхий газартай гэрээ байгуулж, хамтран хэрэгжүүлэх.</p>		<p>-Аймаг, нийслэлийн Байгаль орчин, аялал жуулчлалын газар -Хил хамгаалах ерөнхий газар</p>	
<p>9. 3.9.Ойн сан бүхий газарт гал түймэртэй тэмцэх, түүнээс сэргийлэх талаар Ойн тухай хуулиар тогтоосон шаардлагыг биелгүүлээгүй иргэн, хуулийн этгээдийг Зөрчлийн тухай хуульд зааснаар арга хэмжээ авч, улсын байцаагчийн эрхтэй байгаль хамгаалагч нарын ажлыг эрчимжүүлж ажиллахыг,</p>	<p>1.Түймрийн аюулын үнэлгээ гурав түүнээс дээш зэрэглэлд хүрсэн тохиолдолд тухайн аймаг, сумын нутаг, дэвсгэрийн хэмжээнд явуулж буй ой аж ахуйн арга хэмжээ, иргэдийн аялал зугаалга, амралт, сувиллын зорилгоор ойд зорчих үйл ажиллагааг хориглохыг бүх шатны Засаг дарга, аймаг, нийслэлийн Байгаль орчин, аялал жуулчлалын газрын дарга нарт үүрэгжүүлэх 2.Цагдаагийн ерөнхий газрын Экологийн цагдаагийн албатай хамтран ажиллах</p>	<p>Түймрийн аюултай улирлын туршид</p>	<p>Байгаль орчин, аялал жуулчлалын яам, -Аймаг, нийслэлийн Байгаль орчин, аялал жуулчлалын газар -Цагдаагийн ерөнхий газар</p>	